

Nebplitzer margk gelegen irrung gewest, ist derwegen abgeredt, das die universitet zcu Leiptzk dieselben gütter wie vor dieser irrung geschehn zcu vorlichen habenn sollen. Die universitet zcu Leiptzk sol zcu Gotzschynn und der Hohenheide alle gerichte in feldern und dorffern wie bisshere behalten und auff der Nebelitzer marck umb yhre zcinse zcu behelffen haben. Die andern gerichte sollen auff derselben Nebelitzer marck in das 5 ampt Eylenbergk gehören.

## 429.

*Magister Christoph Watzek und Anna seine Frau bekennen, daß sie an die Collegiaten des großen Fürstenkollegs 5 Gulden jährlicher wiederkäuflicher Zinsen auf ihrem Haus und Hof im Brühl, für 100 Gulden Hauptsumme verkauft haben.*

Leipzig, 1543 Juli 2. 10

*Hdschr.: Copiale des großen Fürstenkollegs fol. 39—40.*

## 430.

*Herzog Moritz erklärt sich damit einverstanden, daß die Mitglieder der Universität zu Vorstehern für die Schulen, sowie zu geistlichen und weltlichen Aemtern ernannt werden können.*

Dresden, 1543 Juli 19. 15

*Hdschr.: Copiale magnum T. I, fol. 152b.*

Vonn gottes gnaden Moritz hertzog zu Sachssen, landtgraff in Doringenn unnd marggraff zu Meissen.

Unnsern grus zuvor. Erwirdigen, hochgelerten, liebenn, andechtigen unnd getreuen. Wir haben eur schreiben, darinnen ir euere eingeleipten gelieder zu vorstehern 20 der neuen und alten unserer furstenthum unnd lande schulen, auch andern geistlichen unnd weltlichen ampten zu auffnemung unser universitet zu fordern aus mehr bewegendenn ursachen gebetten, empfangen, alles inhalts vernommen unnd das ir nach derselbenn unser universitet wolfarden wachtet zu besondern gnaden vormerckt. Nachdem wir aber dartzu und eurn schreiben gegen den eingeleibten gliedern nachzusetzen gantz gnedig- 25 lich und zum hogsten geneigt, so wollen wir angeregten eurs erinnerns eindenck sein, wie wir dan zuvor auch gerne gethan hetten, da wir bericht gewesen, das leuth bei euch zu bekommen unnd do etwa was furfelt an unser forderung unnd allem dehm so der universitet zu gutem mag gereichen an gar nichts lassen erwinden, allein das ir wie gemelt danoch auch daran seit, das do personen, mit dehn man versorgt, bei euch also zu 30 bekommen habt. Darnach zu achten wolten wir euch hinwieder gnediger meinung nit pergen. Datum Dreßden donnerstag noch Margarethe den 19. iulii anno 1543.

Den erwirdigen, hochgelerten unsern lieben andechtigen und getreuen rectorn, magistris und doctoribus unser universitet zu Leiptzigk.